

ხელშეკრულება №
სახელმწიფო შესყიდვის შესახებ

ქ. თბილისი

შემსყიდველი: საქართველოს განათლების, მეცნიერების, კულტურისა და სპორტის სამინისტრო, წარმოდგენილი ეკონომიკური დეპარტამენტის უფროსის მარიამ ტაბატაძის სახით.

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: -----, წარმოდგენილი მისი დირექტორის ----- სახით,

მისამართი: -----

ტელ: -----

ელ.ფოსტა -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, **NAT**----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

„სკოლამდელი განათლების ხელშეწყობის“ პროგრამის ფარგლებში საგანმანათლებლო რესურსცენტრების სკოლამდელი განათლების სპეციალისტებისათვის სამუშაო შეხვედრების (ვორკშოპების) ორგანიზების შესყიდვა (CPV55100000), რომლის დეტალები და აღწერილობა მოცემულია წინამდებარე ხელშეკრულების 6.2 პუნქტში.

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს ----- ლარს.

3.2 მომსახურების ერთეულის ფასები მოცემულია დანართში, რომელიც წარმოადგენს წინამდებარე ხელშეკრულების განუყოფელ ნაწილს.

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება შესაძლებელია განხორციელდეს ეტაპობრივად, ფაქტიურად გაწეული მომსახურების შესაბამისად, მიღება-ჩაბარების აქტების გაფორმების საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 სამუშაო დღის განმავლობაში.

4.4 დაფინანსების წყარო: „სკოლამდელი განათლების ხელშეწყობის“ პროგრამა (პროგრამული კოდი 32021402) .

5. მომსახურების მიღება-ჩაბარების წესი

5.1 მომსახურება ჩაითვლება გაწეულად მხოლოდ მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია შემსყიდველის მხრიდან შედგენილი ხელშეკრულების შესრულების კონტროლის აქტი.

5.3 შემსყიდველის მხრიდან მიღება-ჩაბარების აქტზე ხელმოწერის უფლება ენიჭება

6. მომსახურების გაწევის პირობები, ადგილი და ვადა

6.1 მომსახურება გაწევის თარიღები და ადგილია:

I პერიოდი

II პერიოდი

III პერიოდი

6.2 მიმწოდებელმა მომსახურება უნდა გაწიოს შემდეგი პირობების დაცვით:

6.2.1 სასტუმრო მომსახურება:

30 ერთადგილიანი ნომერი (დასაშვებია ორადგილიან ნომერში 1 პირის განთავსება). ნომრები აღჭურვილი უნდა იყოს ინდივიდუალური სველი წერტილებით; ცივი და ცხელი წყლით (24 საათი), გათბობა/კონდიციონერის გამართული სისტემით (24 საათი); ოთახებში დაცული უნდა იყოს სანიტარული ნორმები და იყოს შესაბამისი რაოდენობის სულ მცირე შემდეგი პირველადი ჰიგიენის პროდუქტები: ტუალეტის ქაღალდი, საპონი, შამპუნი, პირსახოცები.

6.2.2 კვებითი მომსახურება :

კვებით მომსახურება (შვედური მაგიდა):

კვებითი მომსახურება მოიცავს სამჯერად კვებას და 1 ყავა/ჩაის შესვენებას. შემოთავაზებული მენიუ უნდა იყოს მდიდარი რაციონის. მენიუ უნდა მოიცავდეს სამარხვო და არასამარხვო კერძებს, ამასთან მენიუ უნდა შედგებოდეს:

შესვენება ჩაი/ყავაზე დარბაზის მიმდებარედ, მენიუ:

სასმელი წყალი;

უნალექო ყავა;

ჩაი;

შაქარი;

ლიმონი;

ნატურალური ხილის წვენი;

2 სახეობის ნამცხვარი;

3 სახის ცომეული (ხაჭაპური, ლობიანი, ხორცის ღვეზელი).

საუზმე - სასადილო დარბაზში (შვედური მაგიდა და პერსონალური მაგიდები სტუმრებისთვის) მენიუ:

კვერცხი (მოხარშული და შემწვარი);

სოსისი (მოხარშული და შემწვარი);

ძეხვის და ვიჩინის ასორტი;

ყველის ასორტი;

ხაჭო, არაჟანი, იოგურტი;

ხილი;

ფუნთუშები;

პურის ასორტი;

ხილის ასორტი;

ნატურალური ხილის წვენი;

უნალექო ყავა;

ჩაი;

შაქარი;

სასმელი წყალი;

2 სახის ნამცხვარი (კრემიანი და უკრემო);

სადილი - სასადილო დარბაზში (შვედური მაგიდა და პერსონალური მაგიდები სტუმრებისთვის) მენიუ:

1 სახეობის ბოსტნეული წვნიანი;

1 სახეობის ცხელი კერძი (ხორციანი);

მწვადი (ღორის ან ქათმის);

შემწვარი თევზი;

შემწვარი ქათამი;

შემწვარი კარტოფილი;

მოხარშული ბრინჯი;
2 სახის სალათი (მაიონეზის გარეშე);
ფხლის ასორტი;
ყველის ასორტი;
ნადუდი სულგუნში;
ლობიო;
მჭადი;
პური;
ხილის ასორტი;
წვენი ან კომპოტი;
მინერალური წყალი;
სასმელი წყალი;
ყავა;
ჩაი;
2 სახის ნამცხვარი (მათ შორის 1 უკრემო);
რძე, შაქარი, ლიმონი.

ვახშამი - სასადილო დარბაზში (შვედური მაგიდა და პერსონალური მაგიდეები სტუმრებისთვის) მენიუ:

ხილის ასორტი;
ყველის ასორტი;
ზეთისხილი, კიტრი/პომიდორი;
არაჟანი;
ბოსტნეულის სალათა;
3 სახის ნამცხვარი (ხილის, ფუნთუშები);
წვენი;
ჩაი;
ყავა;
რძე, შაქარი, ლიმონი.

კვებით მომსახურება უნდა განხორციელდეს შემდეგნაირად:

1-ლი დღე - ყავის შესვენება, სადილი, ვახშამი – 30 პირზე;
მე-2 დღე - საუზმე, ყავის შესვენება, სადილი, ვახშამი, – 30 პირზე;
მე-3 დღე - საუზმე, ყავის შესვენება, სადილი – 30 პირზე.

კვებითი მომსახურების კონკრეტული დრო უნდა შეთანხმდეს შემსყიდველთან. სასადილო ოთახი უნდა იყოს გამართული გათბობა/გაგრილების სისტემით და დაცული უნდა იყოს სანიტარული ნორმები. კვების დროს მონაწილეებს უნდა ჰქონდეთ მაგიდებთან დასხდომის შესაძლებლობა.

მისაწოდებელი კერძები უნდა იყოს საკვებად ვარგისი და ჯანმრთელობისთვის უვნებელი, რაზედაც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.

6.2.3 ტრანსპორტირება:

30 პირზე განსაზღვრული სატრანსპორტო საშუალება, რომელიც უზრუნველყოფს იმავე ქალაქში არსებულ სკოლამდელი აღზრდის მხოლოდ ერთ დაწესებულებაში მონაწილეთა ტრანსპორტირებას. სატრანსპორტო მომსახურება იმ შემთხვევაში გამოიყენება, თუკი შერჩეული სკოლამდელი აღზრდის დაწესებულება დაშორებული იქნება სასტუმროდან 10წთ-ზე მეტი სავალი მანძილით.

6.2.4 სატრენინგო სივრცით უზრუნველყოფა:

სატრენინგო ფართი და სასტუმრო უნდა იყოს ერთ სივრცეში.

სატრენინგო სივრცე უნდა იყოს იზოლირებული (ფარდით ან სხვა საშუალებებით გამოყოფა არ მოიაზრება). სატრენინგო სივრცე უზრუნველყოფილი უნდა იყოს გათბობა/კონდიციონერის სისტემით და ცენტრალური ვენტილაციით.

სამუშაო შეხვედრის მონაწილეები უზრუნველყოფილნი უნდა იყვნენ საკანცელარიო და ტექნიკური რესურსებით:

სამუშაო მაგიდეები (თითო მაგიდა 5-6 მონაწილისათვის) და სკამები მონაწილეთა რაოდენობის შესაბამისად.

ფერადი სტიკერები 3 შეკვრა;

A4 ფორმატის საბეჭდი ქაღალდი - 2 შეკვრა;

ფლიპჩარტი - 3 შეკვრა;
პერმანენტული მარკერები -2 შეკვრა, 4 სხვადასხვა ფერის;
თეთრი დაფა (white board) - 2 ცალი.
თეთრი დაფის მარკერი (white board markers) - 3 ცალი სხვადასხვა ფერის;
პროექტორი და პროექტორის ეკრანი;
ლუპტოპი;
დინამიკები;
ინტერნეტი;
ბლოკნოტი და კალამი თითოეული მონაწილისთვის;
მთლიანი სივრცის გათბობა/გაგრილების სისტემა სეზონის შესაბამისად.

7. მხარეთა უფლება-მოვალეობები

- 7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.
- 7.2 შემსყიდველმა უნდა უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 7.3 მიმწოდებელი ვალდებულია გაუწიოს მომსახურება შემსყიდველს დანართით და მე-6 მუხლით გათვალისწინებული პირობების შესაბამისად.
- 7.4 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

8 . ხელშეკრულების კონტროლი

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირები არიან -----
- 8.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თავით შემსყიდველი.

9. პირგასამტეხლო ხელშეკრულების პირობების შეუსრულებლობისათვის

- 9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.
- 9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.
- 9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.
- 9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.
- 9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა

საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების და-დგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების შეწყვეტა შემსყიდველს არ ართმევს უფლებას დააკისროს მიმწოდებელს პირგასამტეხლო წინამდებარე ხელშეკრულებით გათვალისწინებული პირობებით

10.6 შემსყიდველი ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.4 პუნქტით გათვალისწინებულ გადაწყვეტილების მიღების განზრახვის შესახებ

10.7 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.8 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11. ინტერესთა კონფლიქტი

საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში „მიმწოდებელთან“.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

12.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

12.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

12.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს ----- ჩათვლით, მხარეთა მიერ წინამდებარე ხელშეკრულებით გათვალისწინებული ვალდებულებების სრულად შესრულებამდე.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

შემსყიდველის მხრიდან:
ეკონომიკური დეპარტამენტის უფროსი

მიმწოდებლის მხრიდან:
დირექტორი